

Einlage Vers von Toni Amort am 6. November 2021

Hallo Leitlan, seid amo fünf Minutn still, wiel i enk epas dozähl'n will.

Die Corona hot ins giwoltig zi denkn gimocht, obo heint seinmo dou und feirn bis af Nocht.
Giteschtit, giimpft odo ginesn, na na des isch a Thiato giwesn
an Grien Poss wellnse übroll hobm, tien übroll donoch frogn.
Kuan Wondrung, kuan Grillfeier und kuan Weihnachtsfeier, des geht in die meistn af die Eier.
Net amo in olt'n Ausschuß danke sogn hot man gikennt,
man isch mit Obstond und Maske manondogirennt.
Mir hobm ietz a neua Führung hobas schun keart
des mocht ietz die Klara und do Gerd
gonz af Droht seines die zwoa und tien sich plougn
in gonzn Ausschuß muss man amo lobm
dei renn und tien, dass mir kenn zi feirn gien
mir missn holt fest zi ihnan holtn, nocha wearn sie sen Verein schun vowoltn.
Heint hobmse a epas schiens ausguicht, und fir ins des Törggilan gibuecht.
Viel seinra kemm, sel tuit in Ausschuß freidn, und in Wirscht ah, wenmo awin bleibm,
i tui mi olm gfreidn, wenn i hear die Magdalena schreidn
a wien a Hetz soll wo sein, a wennmo unto Corona leidn.
Ietz wenn do Wirscht nocha sEssn bring, und va ins olla a Prosit erkling. Wer die
Bluitwirscht net mog, schiebse in Nochba weita, sollse do se essn, der Heita.
Mitn Bussn isch heint holt nicht, weil mir missn Obstond holtn, auso mit do eigenen Olt'n.
Donoch sobold mir hoamwärts fohrn, tienmo in Gerd und in Ausschuß Danke sogn.
Wenmo af Nocht olla wiedo in Bus insteign, und va lauto Essn an Mougkrämpfe leidn,
hoffmo dassmo olla wiedo sein, daß kuans fahlt, sell war holt fein.
A Krippmfahrscht'l war holt a wiedo schien, dou wurn sicho fa ins viele mitegien.
Wennmo in Gerd bettl und daß die Umstände zuilossn, tienmo wiedo inso Rente voprossn.
So, ietz tienmo guit trinken und essn und zilescht net sZohl'n vogessn.
Morgn isch bessa net af die Wooge steign, weil die se Nummo tiut ins sicho net freidn.
Ietz will i enk nimma long af die Nervn gien, losts enk schmeckn und feirsch awin schien.

Verfasst von Toni Amort